

NEKAZARIAI



LAGUN ONA

Zer egun aldiak doatzin! Goiz oroz bazterrak churi, ez elurrez bairan bai ormaz. Gero egun guzia eder, uda astea baliz bezala. Eder orren beldur ninteke, baldin ez baliz gauazko eta bereziki goiz-alderako izotza. Bainan, uni esker, barnean dago oraino bear bezala lorea, eta, iguzkiari esker, ar ditake laboraria egunaz lanean.

Pentzeek dute orai bereziki galdatzen aren arta. Geroa gogoan duena ari da eien garbitzera, eta ontzera. Ezar orai danik ardi eta abereak pentzetik kanpo. Erran zaarra da: *Ganderaitu* biaramuneko, kabalak pentzetik kanporako. Beldur niz zaarrek ez bezala ari girela orai anitzak buru ortarik. Obeki eltzen ote gira ola eginez? Ni beldur, pentzerik gutiz geienetan ja, alderdi batetarik irabazten dena bertetik galtzen dela, eta zerbeit geiago ere bai naski.

Egia da orai pentzean ala direla kabalak, eta kanpoan bilduaren ordaina gibelatzen dutela barnean. Bainan anitz biltzen ote dute orai kanpoan, eta biltzen duten gutia ere nolakoa ote da orma orien ondotik? Bertze buru batetarik zer kaltea ez dute zangoz egiten pentzeetan, lurra eze delarik, ormaren ondotik bereziki?



Uste dut lukeenak barnean zertarik az kabala ez lezakela emendik goiti pentzerat ezar. Barnean ez ukanak derabiltza bada bertzaia egiten dutenak. Bainan zertako dute guti barnean? Guti bildu dutelakotz! Eta nundik eldu da guti bildu baitute? Leenik berantegi utzi-baitituzte ka-

balak pentzean; eta kabalak an zirelaketz, ez baitituzte ez pentzeak garbitu, ez urtatu, ez ondu.

Kabalak kendurik pentzetik artu baitituzte tenorez arta oriek, bazuketen barnean zertarik az kabalak; irabazi baitzuketen buru guzietarik. Barnean obeki baitira orai kabalak ezen ez kanpoan; eta, barnean direlarik, eta ongi aziak, ari baitira ongarri egiten, erran nai baita gero roko mozkin bidearen nausiari emaiten. Beraz, erran zaarrak egia dio, ene arabera, eta orai ere ari jarraikitzen zakona ongi elduko da.

Bizkitartean ez da aski pentzearen ustea, bear zako kendu eta eman. Kendu alboletarik edo aizeak ekarri ostoak; kendu belar gai6 toak, bereziki *goroldia*. Unen kentzeko ez da, olako denborarekin, lur rari ara aldi baten emaita bezalakorik, gero ongarritzeko. Ara aldi ori eman diteke, bertze alde, edo zoin pentzeri; eta achalez tinko direner *eman bear* ere zeie. Ez dut uste eskualdun laborariek badutela sineste andirik lan ortan. Bertze anitz lekutan ondorio onak ekartzen ditu. Ikusteko bederen balukete zeren egin emengoek ere berzeek bezala,

Ara-aidiaren ondotik, eman ongarri: Aal dena; aurtan emen, bertze urtean aratchago. Biltzen balira abereen ichurkinak ez lukete ek parerik, *barrika* batek ar bailezake eremu ederra eta ekar bereala ondorio ona.

